

Ban Cuengh Gun Song Saw Vah Siujyoz Gyauyuz Ciennieb Gaiq Daihngeih Banh Bizyez Vanjvei

第二届小学教育专业壮汉双语班举行毕业晚会

Bonjbauq siusik(gicej Cau Dwzfeih) 6 nyied 20 hauh banhaemh, aen bizyez vanjvei ban Cuengh Gun song saw vah siujyoz gyauyuz ciennieb gaiq daihngeih Guengjsae youq Guengjsae Swhfan Yozyen Cangz-gangh yaugih banh. Swcigih Minz-yijvej fucujyin Yi Siz, Guengjsae Swhfan Yozyen fudinghiz diuyenz-yenz Cangz Ginhswng, Swcigih Gyauyuzdingh Minzcuz Gyauyuzcu cucangj Veiz Lanzmingz, Guengjsae Swhfan Yozyen Codaengj Gyauyuz Yozyen suhgi Bungz Yinghbyauh, yencangj Couh Sinzdungh daengj boudaeuz camgya caemhcaiq yawj le bizyez vanjvei.

Gwnz vanjvei, Yi Siz cukhoh hagseng ban Cuengh Gun song saw vah gaiq daihngeih hag liux bizyez, de naeuz, gaenh geij bi neix daeuj, Guengjsae Swhfan Yozyen gaenx-maenx gvancez doeksaed gij anbaiz cunghyangh caeuq swcigih, yawjnaek hong son' gyaug vunzcaiz lauxsae Cuengh Gun, aeundaej cingzcik ndei ndaej vunzbiengz haenh. De muengh gyoengq hagseng ban Cuengh Gun song saw vah guhhong le, laebdaeb gyagiengz hagsib, mboujduenh buek-guh damqra, vih hong son' gyaug Cuengh Gun song saw vah gih raeuz

okrengz.

Veiz Lanzmingz muengh gyoengq hagseng yaek bae gak dieg guh hong son' gyaug Cuengh Gun song saw vah haenx ndeindei guhhong: Giendingh saenqsim, mbouj lumz aensim codauez, giendingh gij saenqsim caeuq gietsim guh hong son' gyaug Cuengh Gun song saw vah; laebdaeb hagsib, mboujduenh hag gij ciennieb cihsiz Sawcuengh Vah-cuengh, aeu giekdaj dwk ndaej engq maenh bae; gaemdawz gij bonjsaeh saedhengz sonhag, cugyamq aeu bonjfaenh gungganq baenz "lauxsae ndei seiq miz", vih gyauyuz saehnieb dieg minzcuz okrengz.

Bizyez vanjvei faen baenz sam aen biencieng: Doxcomz siujgyauq • cingsaenz gvaekgvaek, lwglan Boux-cuengh • caiz lai naengzganq, Fwen-cuengh goksa • ciengqyiengj daengz-cog. Mwh vanjvei, hagseng ban neix doenggvaq eu fwen, diuq foux Boux-cuengh, yienj siujbinj Vahcuengh daengj hingzsik, langhbaij gij yiengh ndei caeuq cingsaenz gvaekgvaek gyoengqde, hix langhbaij le gij cing-saenz lauxsae bwhlaeng Cuengh Gun song saw vah buekguh doxhwnj.

Doih Fwencuengh daj aen Yozvei Fwen Guengjsae daeuj haenx hix



▲ Gyoengq hagseng ban Cuengh Gun song saw vah angqyangz diuq fouxsaux.

daeuj daengz yienhciengz hwnj daiz eu fwen hoh gyoengq hagseng bizyez angqyangz, ndaej daengz yienhciengz bouxyawj bekwngz haenhndei.

Gyoengq hagseng ban neix yaek lizhai hagdangz, byaij hwnj aen

gangjvei son' gyaug Sawcuengh Vahcuengh, yungh gij saedsaeh hengzdoengh gyoengqde yiengq hagdangz bonjfaenh cwnghmingz bonjsaeh bonjfaenh.



◀ Vunzmbanj caeuq hekyouz caen-ndang bae daejniemh dangdieg minzsuz fungcingz Boux-cuengh.

Ningzmingz:

Gawjbanh "Daizlaeuj Raez Byarai Vuengz" Minzsuz Hozdung

宁明:举办“花山王长龙宴”民俗活动

6 nyied 21 hauh dwg liggaueq "ciethahceiq", aen Lajmbanj Lijyouz Gingjih Byaraiz Mingzcuu diegyouq Ningzmingz Yen Cwngzcungh Cin Yacouh Cunh haenx gawjbanh "daizlaeuj raez Byaraiz vuengz" baenzbuek minzsuz vwnzva hozdung it bi it mbat haenx.

Vunzlai Bouxcuengh dangdieg cingsim guh gij haeuxnaengj nguxsaek, ceizndek, faengx, haeuxgau, cuksoemj, haeuxmbokcuk, laeujdangz, gangq duz-

yiengz, gangq nohmoudoj daengj, caemhcaiq guh ciengq gocouxhek Boux-cuengh, maxvuengz Byaraiz doxdax daengj baenzbuek dangdieg daegsaek vwnzva lijyouz daejniemh hozdung, hawj vunzmbanj caeuq hekyouz itheij caen-ndang bae gamjsouh daengz fungcingz minzsuz conzdungj Bouxcuengh noengq-nwt.

(Couh Yizgangh Goz Veih/周贻刚 葛辉)

Yungzsuij:

Gvansim Ndiepgyaez Lwg-hag Louzyouq Hagdangz

融水:关爱留守住校生

6 nyied 20 hauh, boux daih' it suhgi Veiz Cin' goz, Yungzsuij Myauzcuz Swciyen Caizcwnggiz baij youq Hungzsuij Yangh Liengzsangh Cunh haenx dazyinx gyoengq gihgvanh ganbu caizcwnggiz baedaengz Liengzsangh Cunh Siujyoz, soengq denzbeu, mbinj, denfunghsan daengj doxgaiq yunghdawz hawj gyoengq hagseng Myauzcuz louzyouq hagdangz haenx, bangcoh gyoengqde dohgvaq aen haggeiz hwngqndat seizhah neix.

(Liu Swjyenh/廖子渊)

► Gyoengq ganbu fat bonj-buengj hawj hagseng.

